

二樂亭集

二

内閣文庫	
番號	漢 17827
冊數	7 ( 2 )
函號	集 136 8



綴じ部(喉部分)の文字など開きが不鮮明な箇所あり



Vertical columns of faint Japanese text, likely bleed-through from the reverse side of the page. The text is arranged in approximately 10 columns, with varying line lengths and some larger characters that may indicate section breaks or titles. The overall appearance is that of a formal document or record.



二樂亭集卷之四

詩

送管押使安可珮琛

霍鬢風吹雪擁裘三义西過路阻脩關重山海  
神都壯地闢金遼帝德周冠蓋遠人越禮樂冕  
旒宸坐盛春秋看今使介才俱稱遴選兼公國  
論稠

次蕭海鈞和謝祭酒韻四律

拋却千忙得一休晚途心事托尖頭映人冰玉  
元無滓滿面風埃剩帶羞弘景倦遊那待老季  
鷹歸思偶乘秋百年博得閑中趣真妄從前捲



水漚

久厭評題聽子將投箸高卧髮絲長閑隨海叟  
鷗仍狎老伴希夷睡作鄉詩到元和今有籍名  
傳草聖古無張誰知蜀肆沉冥地日暮虛橫野  
渡航

蝓菌肖翹不謝年冥鴻有翮已冲天熟知珪組  
危機在肩待乘榆暮景懸桂擺秋香飄玉宇鶴  
寒風露下青田高名歲晚藏漁釣還透清芬海  
外傳

幼安東去早知微大阮何須痛哭歸湖海忘形  
魚有樂風塵迷路世相違日遲鉛汞留丹竈雲

起負壺捐羽衣笑我名途長蹙蹙老龐牀下覺  
前非

次蕭海鈞和曾職方韻

早季供奉玉皇前末路行藏却任天架插伯英  
書帛兔絨多蘇老和陶篇北宸無夢閑臧叟東  
海何人識魯連滿鬢霜華松竹操風生玉韻覺  
玲然

搖道通津是急流看公勇退鵬橫秋百年泉石  
雲長往萬古賢愚跡不留身臆虛舟無物忤心  
空六鑿有天遊超然昇穀機關外浮世紛華入  
掉頭



和蕭海鈞醫巫閭山四律

秦皇自小守長城禹奠巫閭入大明地盡金遼  
連絕漠根穿幽薊秘三清崑間紫翠含今古雲  
外陰晴幾變更聖化無邊覃十二版圖重見舜  
封名

平生性癖愛雲山客路難拚信手攀天險似因  
關捷設邊聲無復戰車殷千峯爽氣清秋迥萬  
古蒼顏鐵壁間若柱飛筇凌絕頂岱宗寧獨小  
人寰

鐵峯纔北窟奸胡南擁城關衛上都拔地埤陵  
初巔巔近天蒼翠入虛無秋生遠客風塵眼雲

展橫屏水石圖深處定容方外士煉丹脩道尚

形枯

山似高人屈石難剛腸鐵石切雲冠百年瘦骨  
千尋直一頂青螺萬里看落日秋容霞暈赤不  
風松怒玉音寒何年負嶠漂塵世笙鶴飛仙失  
羽翰

次倪侍講望醫巫閭山韻

風塵腥霧露青葱壁立螺橫半昊穹地擁襟喉  
連漠北根穿遼薊控山東關頭扣頰來驕子洞  
裏棲雲卧遠公十二封回州有鎮未應峰嶂只  
崇崇



次望十三山韻

雲開螺髻亂袖簪晴日寒光落海南山到蒼梧  
纔數九峯排巫峽不成三林霏向夕飛空翠野  
色浮天擁蔚藍遠客重來青眼在驛城西畔更  
停驂

次寓凌河韻時值冬至

客路難拚軟脚春虛拋長至愧良辰天機袞袞  
陽灰動世事悠悠髮雪新鞍馬瘦人長蝕髀襟  
懷憑譯少開唇今朝更覺吾身遠夢裏分明拜  
北辰

次浴寧遠湯泉韻

炎帝行陽一脉通石泉湯沸貯溶溶深源定伏  
陰中火活水寧憑地底龍已病慣知扶性命消  
愁翻欲洗心胸靈波安得同溟渤醫盡疲癘喜  
氣濃

次曉發遼陽聯句

正使昌山君為我  
元勳書狀官安彭壽

義有  
氣節

鶴野雄風泛使袍長材不數筆無刀霜駭角有  
千頭牙勳府胸藏萬斛艘笑我龍鍾齊器小窺  
他突兀魯山高平生苦學江西律蹇澁還慙鄴  
下曹

孝思亭四首

二樂正集四卷一

四

四



蒼山龍走駐江頭  
蟠作名區擁衆休  
桑梓百年春不盡  
箕裘四世慶仍流  
亭開甄氏丘原近  
雲護平泉水石幽  
正是義塲存永慕  
肯牽湖海此心浮

右次河東韻

祖先名德後孫追  
天報休祥若有期  
奕世傳芳看茂葉  
思亭扁孝侈群詩  
眼經堂鬣成行處  
心折風枝欲靜時  
滿地湖山皆舊物  
片雲殘日捲幽思

右次析 天使韻

俯江臺榭漫相誇  
眩勝爭奇簇兩涯  
何似小亭

心念祖密親先壠  
孝傳家龍頭水抱  
含秋玉案外山朝  
列髻丫天爲仁人  
開吉地仙槐根大  
已三花

右次垂崖韻

駟馬高車積慶門  
天臨尺五豈深村  
心驚霜露悲時序  
歲老松楸自曉昏  
興至每尋漁釣伴  
公餘閑倚水雲軒  
定知袞袞來昆遠  
仁孝相傳一念存

右次竹溪韻

送李子厚赴任濟州牧 名 瑛

鵬搏九萬又圖南  
蜩鷄咨嗟力不堪  
胸海寬通



蓬島迥詩鋒高並漢架嶢嶢溪鱣徒誰干化合  
浦珠還不畏讒他日循良名杜召東瀛民物挾  
春酣

毛仲今揮五馬鞭伴身琴鶴迹前賢海邦無物  
娛新使露橘霜柑作意妍  
讀過先賢戒子詩勉他王事不言私君今索和  
當行贖未獨囊墻寓所思

子厚氏臨行求贖言目示先大人訓戒  
南行詩二章要和欲人之開張其意以  
廣追慕之思余觀梅谿序其詩甚詳且  
備今無以贅吾說只書所懷步韻識別

未添一絕以副勤教云爾

次舒川東軒韻

羃譙層出樹林端旌旆翻風海日寒北極天高  
勞遠想南滇波闊壯遐觀幽懷望腹憑詩遣世  
故塵人得酒寬柱笏朝來迎爽氣更無非意苦  
相干  
人間憂樂苦多端湖海鷗盟覺已寒老去迂慵  
堪自訟塵中蹙蹙愧旁觀客愁剩有千絲亂世  
路元無一步寬獨遣天公遊物外晚來清夢落  
溪干

次泰安東軒韻



儒酸半載海雲邊歸夢長懸尺五天墻角竹孫  
分勁節潮頭颯毋歎腥煙醮壇夜氣星君下鹽  
竈晴燠蜃市連客久羞看魚得計謾添撲髮雪  
飄然

次瑞山樓題韻

倦遊襟抱鬱難開洗眼荷塘水拍蒼海上黃雲  
從古遠日邊青鳥幾時來流年鼎鼎春將盡芳  
草萋萋人未回獨倚麴生風味在夜深山倒不  
聞雷

官居取勢面陽開地古城荒石有苔山水飽風  
臨海亞野煙吹瘴着人來百年鬢髮霜初透萬

古關河首獨回心死此時形似木人間毀譽聽  
蚊雷

忙中口角得春開細雨清溪長碧苔客路多年  
成老大故園何日賦歸來山頭落日雲遮暝天  
際晴光鳥帶回莫把幽懷閑說了傍人舌上有  
風雷

次洪州樓題韻

薰風飛絮雪漫天庭下幽花晚更然節序驚心  
仍覺老杯觴到手不傳傳百年性命羊鞭後末  
路行箴車鑑前自古殉名多物禁早輸公器屬  
時賢



冥鴻勁翮凌長天獨倚風欄意惘然世路多歧  
無脚著古人陳迹有心傳神離共索形骸外竅  
鑿誰全儻忽前擬把乘除明得喪九原難起伯  
陽賢  
多事三閭煩問天古來毀譽落同然玄珠久失  
今誰得丹竈無成世不傳已放婆心傾日下休  
將霜鬢拂花前此身謬被名驅使未解人朝負  
昔賢

次公州樓題韻

晴雲曖曖壓層樓喬木連霄認古州一水錦明  
橫緩帶亂山鬟翠露尖頭百年去就身無繫萬

事閑忙歲易道日暮西風天欲雪聒人歌吹倘  
銷憂

次領相送左相赴京韻書奉副使李右

尹行軒

專對推君萬口贊新書飛上舊燕臺國僑舌下  
文辭富具扎胸中禮樂諧此日杯觴含別恨他  
年心事識英才山河上國多奇勝探討奚囊待  
子迴

睢陽五老圖應

製書

御屏

都將忙鬧博寬胸曾戴皇家進德冠有翼搏風  
隨海運無心曳尾得鯢桓鎮開勝日春長益霞



映衰髯雪不寒雲影蒼然鴻意遠只留詩畫後  
人者

別副提學趙理之赴燕京

才兼專對遠寄書說禮敷詩衆不如萬國梯航  
樞電節五雲間闔王皇居文華剽是周唐舊  
習尚元非燕趙餘從此遠遊司馬氏胸中迎納  
似歸墟

搏扶北海上雲衢風節稜稜映玉壺李予詩囊  
三體富張生使橐一金無百年撫古幽燕地萬  
里揮鞭風雪途玄晏推衾違判袂謾將巴里當  
驪駒

驪姬應製書御屏

女戎胎禍貯深閨殷鑑渾忘戒牝鷄二耦比成  
傾國舌三城今作翦宗梯鴉行六日讒誰辨泣  
罷中宵意已迷擬去前星移主器天刑終不免  
莫齊

慶可久浩浩亭

名場何地著身閑俯仰隨人耻強顏清代簪纓  
依日月暮年中屨有湖山心源浩浩應無物世  
事膠膠擬脫關愧我鷗盟今久負雪侵衰髮已  
成斑

送正朝使李君長坤



生偏東國跡，抱懸心括三皇五帝先事業。尚論伊傳後，淵源遠溯董韓前。終教瓠落罇浮海，已見扶搖翼蔽天。友國更交天下士，歸程應有贈君鞭。

萬里銜書拜玉皇，滿裘風雪鶴天長。音殊處

處蒿窺眼遊，俛時時說故鄉。季子解論周禮樂，馬遷終擅漢文章。明年刮目觀洋海，收拾前聞問大方。

次清心樓韻

江煙冉冉惹毫端，江水澄澄照瘦顏。細鷓鳴邊唯夕鳥，翠林橫外亦青山。八牕勝景雙眸內，一

雨寒聲萬雷間。自笑名途長蹇蹇，任他漁叟管清閑。

三龜亭

金氏安東別墅

當日荆花滿樹時，彩衣鳧鳥共懽嬉。流年駒過悲風木，舊物神扶有石龜。天卷野光歸莽蒼，山分雲影浸淪漪。好收奇勝供筵席，須記墳麓伯仲吹。

送黃海監司慶君世昌

天心端為息民勞，西海今憂屬望高。竚見周棠歌蔽芾，懸知漢斧戢貪饕。威聲列郡迎雙節，胸海三山駕六鼇。珎重咨詢懷靡及，政閑時復憶



吾曹

次景升韻 景升為咸興教授

老子癡狂少不如百年拘檢搃  
蓬蔭風流不落樊川後名位  
還添師道餘中敬倘生遊宦  
計山濤應有絕交書故山薇  
蔽春方好為問歸心除未除

次梅月亭韻

玉盞金波共闔新清光淡態  
旒宜人廣寒天上娑婆影  
姑射山中綽約神雪後老  
蟾冰徹骨風來舞鶴翅如  
輪羅浮自古仙真界儻許  
師雄一夜親

次快心亭韻

蒼山新麓翠屏隈誰剗華亭  
面水開細浪無風光可鑑  
亂峯斜日紫成堆寒空憐  
慄秋將老遠客登臨首獨  
回更有笛聲能起我清詩  
不借倚樓才

二樂亭集卷之四

二樂亭集卷之四



二樂亭集卷之五

詩

次錦江暮泛韻

江涵雲影漾清秋  
蘆白楓丹動客愁  
滿地山川含暮景  
下汀鷗鷺避歸舟  
風煙撲眼難收興  
簫鼓催人更上樓  
大醉揮鞭登遠道  
任他漁叟占澄流

次錦江樓船韻

山如虬走來飲江水  
作練橫斜映窓沙  
渚盡生澆倒瀉商聲  
漸緊風擊撞杜陵  
濯錦千年思啟  
老廬山萬丈  
杠景物無窮  
詩力退良宵  
更約對



金缸

送閔國瑞祥安朝燕京

甕裏醢鷄寧識天班生不獨解登仙周餘禮樂  
須吳札漢有山河屬馬遷鶴去千秋唯石表城  
壘百雉記秦年胸襟剩得寬如海他日看君筆  
似椽

題推刷都監契軸

勘讐隸籍別開司遴選郎僚揔敏資游刃何嘗  
經肯綮解紛還似理琴絲卯申共事多相輔肝  
膽投誠要不欺擬保歲寒期久敬題名非為後  
人知

題駝馬契軸

聖朝銓選上才良冠鐵乘駝盡趙張蘭室薰心  
同臭味栢庭分節透冰霜弛張公暇開筵席清  
濁胸中有激揚擬到歲寒看特操他年對此各  
毋忘

題刑曹郎契軸

名士同朝際聖治况親僚友許心知片言共擬  
收刑措五聽誰寬入罪疑已見桁楊卧庭草閑  
開筵席趁江湄歸來作意題名姓襟抱他年敢  
自欺

題駝馬契軸



聖朝銓選重烏臺冠豸乘駟控俊才蘭室久薰  
同氣味冰壺相映入風裁分司共要霜威振把  
酒時看鐵面開擬保歲寒無背此題名不獨照  
方來

送正朝使金君瑞

莫把征裾說黯然朝正催賦遠遊篇城關幽薊  
山河壯文物虞周日月懸翼下雲天開九萬胸  
中儀禮貫三千行逢定有具雙眼肯落英名遠  
豕邊

題秋部郎契軸

聖朝先德不先刑欽恤常憂失重輕明允同期

片言折平反還慎五辭聽堆床簿牒官曹事眼  
日杯觴僚友情共剪鮫綃留影響白頭看對眼  
應青

題禮部郎契軸

察友情親照膽明南宮星選况才英官閑控道  
清要位時泰恭承禮樂成青眼百年蘭室真芳  
名一幅歲寒盟他時共步經綸地鵬翼搏風萬  
里程

題秋部郎契飲圖

同朝同事又同心交契情親合斷金折獄要須  
由也信象刑誰負舜之欽似聞囹圄無冤枉時



把杯觴展袍襟矢保歲寒存素節題名相對當  
規箴

送張秀才

客中離思鬱難平每把征裾問玉京絕徼逢人  
稀舊識窮途對面若深情霜鴻叫日開炎瘴風  
簾鳴秋撼海城試泊觥船寬一夕淹愁還覺笑  
愁生

贈趙秀才

心緒縈雲繭吐絲去留俱夢不前期他年青眼  
論今夕暮境離腸異少時遠客羈孤元抱病秋  
風撩慄又生悲荒村木落掃霜雁愁聽驪駒醉

後辭

李大諫禮聖挽詞

天壽仁賢慶有餘聯芳玉樹照庭除勞來功最  
循良傳獻替心長諫諍書官未乘軒人道屈身  
今厭世夢成虛徽垣昔日陪清諤薤露西風淚  
滿裾

李參議煥挽詞

名登桂籍翼飛天雲路蜚英望實全再管專城  
勤撫育曾參典禮中方圓品章冠玉官爲達壽  
紀周星天斲年惆悵門華傳謝樹不晨長夜卧  
重泉



通川郡守張重智挽詞

福慶常叢積善家由來報應信無虛于公種德  
門閭大卓茂行仁壽命遐蘭玉盈庭卿相出循  
良有傳姓名華槐安夢裏今乘化人世哀榮更  
莫加

尹牧使希仁母氏挽詞

主饋無非閨範在遷坊有教母儀全幾年雙匣  
鳴孤劍一夢重泉續斷絃善慶慣知遺幹盡哀  
榮其柰遽遊仙光陰六袞驚駒隙薤露西風淚  
泫然

李判書季男挽詞

籍甚聲名國有賢鵬搏九萬翼垂天形圖漢閣  
勳庸著官列周卿事業全玉樹交輝欽積慶黃  
梁易熟哭重泉人生自古無金石痛殺英豪亦  
不年

李府使塌挽詞

溫溫雅操出天真華藻敷榮亦動人化洽魯城  
治尚簡愛留棠舍政推仁中年二豎翻為崇暮  
歲偏親慟入神更有舊朋傷薤露北邱遙阻挽  
靈輶

許政丞琛夫人挽詞

名德當年欽許相柔嘉儷美得夫人主中刺有



宜家法種善應成毓慶司駟馬軒車元闕閱庭  
蘭階玉搃精神未亡今合泉臺劍人世哀榮七  
表春

李同知昌臣挽詞

苦節從前不後人長沙三載損精神危機滿眼  
傷身老世事關心望主仁豈意窮愁棄大化未  
瞻幽谷發陽春靈輜隱隱歸先壠還帶文明日  
影新

昔年陪侍玉堂中進我殷勤引古風從此談談  
非外面後來翰寫許深哀天南共浴吾慚賈屋  
上驚號鵬崇公闔眼思量腸欲裂况於賢胤第

兄同

平城府院君朴元宗挽詞

英豪間世濟時屯扶整乾坤翼聖神伊霍勲  
庸存社稷蕭曹相業重經綸奪還景略天何遽  
壽獨汾陽命不均一夕秦民春不相關騎箕尾  
向高旻

盈德縣令趙銅虎挽詞

壽過稀年由積善愛留三異解推恩多男共覩  
輝庭玉遺慶終應至後昆乘化真遊尋上界傳  
家弈業大于門哀榮到此全終始薤唱聲悲徹  
厚坤



成知事世明挽詞

簪纓奕世映朱輪  
刮去驕豪意更淳  
宅裏園林同外境  
公餘巾履作閑人  
身隨造化名猶在  
夢落邯鄲迹已陳  
此日親朋傷伯道  
曉風瘴露哭靈輶

金知事友臣挽詞

奮日甘盤結主恩  
暮年榮貴到乘軒  
謝庭蘭玉枝條遠  
于氏門閭福慶繁  
壽近期願還厭世  
身隨氣化整歸源  
持家更有名卿相  
幹蠱猶應慰逝魂

申應教錦父母挽詞

未成偕老遽偕亡  
忍挽雙輶向北邙  
積善自應蘭對玉  
德齊元是孟隨梁  
家傳奕業知餘慶  
壽乏遐齡問彼蒼  
賴有高門于胤在  
傾朝祖送更悲傷

盧同知公裕挽詞

家世蟬聯長綺紉  
襟期脫略絕波瀾  
早年金玉輝腰頂  
末路鷗鵬戢羽翰  
每把漁綸遊水國  
何知塵夢落邯鄲  
光陰耳順真駒隙  
惆悵西風薤露寒

金牧使世弼母氏挽詞

志安榮養又身康  
胡耆眉年八耄強  
主餽早聞



閨有範遷坊更見教多方謝庭寶樹枝條盛于  
氏高門福慶長此日重泉歸所仰哀榮人世轉  
黃梁

洪二相景舟母氏挽詞

貞淑柔嘉性得全家傳令善慶仍綿琴閨懿範  
荆釵在麟閣高勲玉樹連三釜享誠甘旨適八  
旬乘化夢魂遷世間終始哀榮極萬指挽輜向  
北阡

仁川君恭壽挽詞

才望青年日下雲唐朝清選擅弘文銀臺為府  
校游刃麟閣丹書早榮勳暮境休官投寂寞淳

生觀化謝紛紛七旬榮辱南柯夢薤露哀聲倘  
徹聞

文城府院君柳洵挽詞

氣局弘厖柱國家心源淳古絕紛華濟時事業  
名留榮傾世文章筆有花門慶共知天福善龜  
齡不減壽殮霞充閭幹蠱相承繼終始哀榮萬  
口嗟

李判府事恭夫人挽詞

淑慎柔嘉性所敷于門結忱德儀尊瑟琴偕老  
星周甲蘭玉交輝慶後昆壽筭乘除餘八袞浮  
生歸寄返初元家公福祿身康健獨開泉臺永



夜昏

安府使彭壽母氏挽詞

敬順無違婦德全多男壽考福祥綿白眉幹蠱  
千人仰黃髮尋仙萬事捐泉路昏昏迷厚夜佳  
城鬱鬱保長年陽陰有劍今重合垂裕雲仍吉  
慶傳

平城府院君朴元宗夫人挽詞

柔順無違自結褵宜家逮下合閨儀所天勲業  
開門慶傾世光榮照戶楣未過中年翻守寡遂  
成危疾竟難醫傷心福壽稀無有幹蠱還憑側  
出兒

安判書琛挽詞

早歲蜚英翰墨場三朝簪笏股肱良物論文擬  
黃扉上仙籍忙通玉帝傍大夢泉臺今閉夜高  
名國史遠流芳謝家蘭玉堪承慶乘化歸真也  
不亡

夏山君成夢井挽詞

薰人春氣玉温如裁物庖刀刃有餘文正胸藏  
千甲騎孝先腹貯五車書中身故宅催仙馭慈  
老萱堂倚賈閣更有朋僚同意氣遙傳薤唱淚  
盈裾

洪直卿挽詞



初從玉署識君真僚友情深道更親意氣陳劉  
非曠達文章楊馬是精神清朝有用須奇器造  
物何心奪此人可忍舊時青眼裏翻垂哀淚向  
靈輶

移葬金季雲遺骨挽詞

思量往事只心傷十載君今葬舊鄉 聖主深  
恩知浹骨故人哀淚尚盈眶身無胤嗣嗟何托  
室有孀嫠泣未亡禍福似非關善惡後來評論  
說應長

二樂亭集卷之五

二樂亭集卷之六

讀書堂錄

風雨吟次士浩韻

顛風大浪愁篙師樹林擺亞沙倒吹聲從西極  
動海來黑雲曳雨昏四維急勢如傾整如竹天  
瓢滴注阿香兒龍公無柰太彊梁陽侯海若相  
離披高陽子醉起立軒頭悖髮豎如張鱸義和  
側走車軸靈手持火傘安所施焉得長篙三百  
丈掃淨秋空露清奇夜深冰輪輾玻璃然後容  
子方伸眉

烏石岡晚眺



岡在讀書堂西百步許淡炎亭東北登望極勝岡頭有烏石士浩摘半山詩烏石岡頭路之語以名焉

蒼山開闔海門脩落日風煙散未收欲寫無邊  
濃淡態秋光已在栗林洲

次李雲韻

客袂秋風裏煙林返照間  
趁潮多釣艇傍水少塵寰  
倚嶺人乘興窺魚驚不閑  
清懷猶怕寫收著錦囊還

次師聖韻

駭浪奔崩沙際岫小舟斜繫柳邊門  
夕陽無限秋容好山氣微茫水氣昏

龍江雜興

碧水秋聲攪客眠月如寒水水如煙  
夜深若過蘇仙鶴跨背何須十萬錢

次士浩韻

一段幽愁萬縷絲巧尋形影自相隨  
秋江只許清人骨噓起寒煙惹得詩

次師聖韻

晚堂雲物爽新秋隨意滄江勝處遊  
一夜風清天似水滿汀寒月接簾鉤

雨

長風吹細雨千里過平湖寒霧霏霏濕蓬山  
淡



淡無沙明虛映樹波起不驚鳧多少江亭趣悠  
悠獨自輸

七月十五夜舟遊聖祖巖四絕次李雲韻

獨卧書堂聽碧江江風吹幔翳殘缸如何側近  
煙沙地還有塵喧苦亂呢

月華誰滿復誰晦不照閑人獨夜愁七尺瘦軀  
千古思江湖滿地酒盈缸

閑知義利心中戰靜得紛華已豎降獨立天機  
流動處月天風水味無雙

驅使風光詩伴酒兩忘閑閑亦空腔坐看朝暮  
沙汀變多事寒潮自怒撞

登烏石岡

千山宛轉水逶迤烏石岡頭日落時萬古陰晴  
閑過眼百年襟抱獨支頤沙邊數店煙波遠鏡  
裏雙鷗羽翮逢景趣文來描不得風光分付釣  
翁知

卽事

獨倚書堂暮窓臨泱泱中湖山連大陰風雨盪  
秋空龍江掌底地萬古開鴻濛蓑衣彼誰子撐  
艇馮夷宮

次老杜韻

白沙翠竹波萬尋朝煙暮靄閑晴陰鳥去雲移



歲月遠山長水濶盃觴深秋風萬里數莖鬢蟾  
桂一宵千古心醉睡飽嬉從意好誰能愁盡床  
頭金

次士浩和杜工部韻

隱几吾忘我清愁爾不知高秋風颯爽斜日鷺  
差池有興詩閑就看湖坐屢移沙鷗何意思飛  
下更來隨

遣興次李雲韻

秋月淨輝光秋風吹別雁風將月依約與我雙  
彷徨有懷且莫辨得酒醉即僵悲懽本外鑠寧  
復攬寸腸坦腹不掩真傳粉徒外粧至人貴自

然俗子迷大方絲漆或可悲鳧短非所傷時清  
萬事理抱志誰不揚弱年事墳典及壯更激昂  
以我汎濫清挹爾波汪洋書堂雨露邊枉自作  
詩狂煙霞語欲奇盤屈勞太行目之發性情無  
使爾心荒

送忠清梁吉元都事

丈夫生世抱奇意不數齷齪趨塵兒鵬飛水擊  
搏九萬見爾突兀青雲姿弱冠攀折月桂花玉  
堂銀臺穩委蛇南宮星佐才所遴曳裾濶步聲  
名隨盤根本要須利器英豪有志當博施忠清  
上控三輔甸繁華劇務如琴絲天心眷爾出佐



幕駟騎矯鴻秋風吹一道狐狸避請標千里窮  
間犬足菴棠陰隨處贊決間公餘行樂應多奇  
從知佐宣君緒餘文章自富飾吏治天衢濶遠  
羽翮長滿腔忠義遭明時意氣能容我踈懶久  
入蘭室結相知交契臨分可欠言寬溫直栗君  
更思列郡巡遊擁候迎莫目此時心屢移我自  
書堂靜無事憶君頻敲經年眉

舟下楊花渡文歸次李雲韻

水國秋高木葉飛沙寒鷗鷺淨毛衣西風日落  
吹遊艇醉後江山滿載歸

龍江泛舟雜興

滄江九月足風波霜雁飛時海日斜六板小艇  
雙榼酒載他秋興下楊花

堂下龍灣是利津賈船商舶競昏晨秋風猶自  
清詩肺海浪安能洗開塵故泛輕舟歸別浦遠  
隨霜雁伴閑身從今興在鼈頭外留待翻波月  
色新

天清秋浪高風裏棹寒篙淨日孤村迥疎林兩  
岸號尋詩永今夕引興泛酸醪眼底陽川浦乘  
潮莫報勞

秋江何蕩瀟遊子暮撐舟斷霓浮海曲千里駕  
鼈頭白浪堆銀山長風吹不休楊花連鴨島元



氣此中浮鳥雁本水性泛泛還自由世事看潮  
沒煙雲散蜃樓狂催棹謳發醉興擊瓦甌宗慤  
死已久相對只凝眸

舟過蠶嶺下仰看峭壁棲鳥

蒼崖斗截巖寒潭石竇孤松鎖片嵐日落風棲  
雙水鶴避人迎月夢江南

漁火村村耿江煙樹樹沉秋懷都載艇乘月聽  
龍吟

處飛  
卧看天宇大俯覺此身微獨有心中興隨風何

次士浩韻

江流衮衮秋無際上有血赤楓林翳客子清遊  
御風來半尺綸巾三幅袂山蟠海口地欲浮做  
此一段壯形勢松韻颼颼撼驚濤寒亭寂寞王  
孫第歸雲翠壁西日照沙頭曬網漁店閉鷗鷺  
翻飛浩蕩內魚龍偃卧相睥睨悄然坐我一片  
上飄飄羽化如尸蛻扣舷高詠赤壁賦醉灑尖  
頭詩律細塵懷西折雁叫寒宦興晚輸龜尾曳  
眼底牢落氣象千古頭選勝談鋒銳蓬壺青鳥  
不可呼月送姮娥解余悅浮生渺於滄海粟上  
有千古下幾歲獨立盈虛消長外世間萬物皆  
羣蚋



水鳥舟中所見

沙頭野鶴一雙棲  
閑愛清江夢自迷  
風斷夕陽驚款乃  
却飛西岸羽聲低

詠白鳥次李雲韻

浴罷清江點碧臯  
背風寒些背閣霜  
毛秋將盡處棲煙穩  
日欲西時落影高  
自在滄洲隨意集  
習知遊艇近人號  
龍江自是多繒繳  
沙際窺魚慎太饕

重陽

湖上秋聲倍斷腸  
浮生今歲又重陽  
一堂書史空牢落  
楓自霜紅菊自黃

次士浩韻

一鴈聲中秋已杪  
萬古憂樂此消沉  
風韻颼颼葉撼撼  
寒山漠漠江陰陰  
堂裏騷人首獨回  
堂前好景無人尋  
半頂巾帽敲不整  
千尺亂髮紅塵深  
百年重九能幾日  
四野黃花空負心  
不見門外白衣來  
浪撫洋峨六絃琴

示懷奉金姜二案下二首

共卧秋堂兩月餘  
一張琴對五車書  
如今依舊隨刀筆  
看我頭顱不變初  
一身雙眼本輕浮  
閑閑如何不自由  
雪月滿江風靜夜  
憶君塵裏幾回頭



二樂亭集卷之六

樂亭集卷之六



